

և ի ՆժԾ (966) թուականին, ի Սևորդիսն շինեցան Հաղբատ և Սանահինն: Ժ (10) ամաւ յառաջ զՀաղբատ շինեաց կինն Աշոտոյ Խոսրովանոյն և ապա զՍանահինն, վասն արեշատութեան որդոց իւրեանց Գուրգենայ, Սմբատայ և Գագկայ»¹:

Մեր հին մատենագիրները միմյանց հակասող այս բոլոր տեղեկութիւններն իրենց արտահայտութիւնն են գտել Սանահինի «Քոթուկի» մեջ, որի 30-րդ էջում գրված է, որ Սանահին Աստվածածին եկեղեցին շինել է Աբաս թագավորը: Նույն բանը կրկնված է 135 էջում: Այս նույն էջում գրված է նաև այն մասին, որ Սանահինն ու Հաղբատը շինվել են հայոց ՆժԾ (415 + 551 = 966) թվականին, ըստ որում Հաղբատը 10 տարի առաջ է շինվել, քան Սանահինը Աշոտ Բագրատունու կին՝ Խոսրովանու թագուհու կողմից՝ իրենց Գուրգեն, Սմբատ և Գագիկ որդիների արեշատութեան համար:

Նույն «Քոթուկի» մեջ արտագրված՝ Զաքարե ամիրսպասալարի և Իվանե Աթաբակի հրովարտակի մեջ Սանահինի վանքի հիմնարկութիւնը վերագրված է Լոռիի Կյուրիկյան թագավորութեան հիմնադիր Գուրգենին և նրա մայր, Աշոտ Ողորմածի կին՝ Խոսրովանու թագուհուն: Այդ հրովարտակի մեջ ասված է, որ նվերներ են հաստատել՝

«Ի Սանահինս, (որ) շինեալ էր զթագաւորն մեր տիեզերական Գաւրգէն և Խոսրովանու թագուհինն» («Քոթուկ», էջ 57): «Քոթուկի» 33—35 էջերում նույնպես նկարագրված է Սանահինի և Հաղբատի հիմնարկութիւնը, բայց այստեղ վանքերի հիմնադիր է ճանաչված Խոսրովանու թագուհին, որին կամակցել է իր ամուսին Աշոտ Ողորմածը:

«Յաւորս սորա ի բազում տեղիս շինեցան կրանաւորաց և ճգնաւորականաց տեղիք: Նաև ի Սեաւորդեաց աշխարհի ևս կամակցութեամբ թագաւորիս, մեծամեծ արդեամբք և բազում ծախիւք բարեպաշտուհւոյս և տիկնաց տիկնայ Խոսրովանոյն թագուհոյս»:

«Քոթուկի» այս՝ միմյանց հակասող տե-

ղեկութիւնները արդյունք են տարբեր հեղինակներից (Ասողիկ, Գանձակեցի, Վարդան պատմիչ, ժամանակագրութիւններ) քաղվածաբար վերցրած վկայութիւնների, որոնք մի հայտարարի շէն բերվել և միմյանց հետ շէն համաձայնեցվել:

Այս ամենի մեջ խիստ տարօրինակ է և բուրբոնի շի հիմնավորված Կիրակոս Գանձակեցու մի տեղեկութիւնը Սանահինի վանքի հիմնարկութեան վերաբերյալ: Ինչպես քիչ առաջ տեսանք, նա Սանահինի հիմնարկութիւնը վերագրել է 10-րդ դարի կեսերին, Աբասի թագավորութեան ժամանակներին: Այնուհետև մոռանալով իր այդ խոսքերը, պատմութեան մի այլ տեղում նույն վանքի հիմնադրութիւնը վերագրում է 11-րդ դարի երկրորդ կեսին թագավորող Դավիթ Անհողի-նի որդի Կյուրիկին²: Այդ մասին Գանձակեցին գրում է.

«Իբրև ետես Կիրիկէ արքայ յազգէն Բագրատունեաց որդի Դաւթի, որդոյ Դերենկանն, որ հիմնարկեաց զՏոշակաւոր ուխտան զՀաղբատ և զՍանահին, եթէ...»³: Գանձակեցու այս տեղեկութիւնը, կարծում ենք, թյուրիմացութեան արդյունք է և շի հիմնավորվում որևէ փաստով:

Սանահինի հիմնարկութեան ճիշտ ժամանակը որոշելու համար վճռական նշանակութիւն ունեն ժամանակակից երկու փաստաթղթեր, որոնք պահպանվել են Սանահինի «Քոթուկի» մեջ արտագրված լինելու շնորհիվ: Դրանցից մեկը 979 թ. գրված՝ Սմբատ Տիեզերակալի արքայական հրովարտակն է, որով նա Սանահինում հաստատում է եպիսկոպոսական աթոռ և շնորհում է նրան ընդարձակ վիճակ՝ Գուրարաց աշխարհը, Նիգը, Տաշիրքը մինչև Վրաստանի և Շիրակի սահմանները և Խաչիկ կաթողիկոսի միջոցով Սանահինի վանահայր է նշանակում Եսայիին: Երկրորդը Բարսեղ Կեսարացու «Յաղագս ճգնաւորաց» ձեռագիր գրքի հիշատակարանն է, գրված հայոց ՆիԱ (421 + 551 = 972) թ. Սանահինի նորաշէն վանքում:

Առաջին փաստաթղթի մեջ Բագրատունի Սմբատ Տիեզերակալ թագավորը գրում է.

¹ Մանր ժամանակագրութիւններ 13—18-րդ դդ., հատ. 2-րդ, կազմեց Վ. Հակոբյան, Երևան, 1956, էջ 501:

² Ըստ Վ. Վ. Մովսեսյանի, այս Կյուրիկին թագավորել է 1048—1089 թվականներին (տե՛ս նրա «Լոռիի Կյուրիկյան թագավորներու պատմութիւնը», Վիեննա, 1923, էջ 49):

³ Պատմութիւն Հայոց, արարեալ Կիրակոսի վարդապետի Գանձակեցու, էջ 91: